

HEPI I NIAS

PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prinim nem bilong yu tru, orait yu raitim arapela nem bilong yu tu.

Memba Lukaut Long Vot

Dia Edita.-

Mi save lukim sampela memba bilong yumi long Haus Asembli ol i no tingting long pipel long distrik bilong ol. I luk olsem ol memba i no tingting long taim bihain ol i tingting long nau tasol. Em i no stret long pipel long distrik bilong ol. Nating long narapela vot, yumi no ken votim ol man o meri i save tok yes na orait long toktok bilong ol waitman. Em dispela kain man o meri em i no gutpela lida o bos bilong kantri bilong yumi.

Sapos wanem man o meri i save skul o i no save skul i ritim na ting dispela i no tru, plis, rait i go long Wantok Publication na ol i ken prinim long pepa na bihain mi ken baim na ritim.

Winnifred Kabran,
Mushu.

Yu No Krai Yu Wok

Dia Edita.- Nau mi laik autim wari bilong mi. Mi harim sampela man na meri ol i tok olsem. Ol misin i kam longtaim na ol i no painim rot bilong mani long yumi. Gavman na Kaunsil tu. O yes, i tru, tasol mi ken tokim yupela man na meri. Yupela i mas tingting gut na yupela i toktok olsem. Mi ting olsem misin i man bilong brukim banara, hap plang na target i stap long as bilong yumi. Na gavman em i stretim ples, haus, smolhaus, na klinim arere bilong ples. Na em i lukautim yumi stap gut

long ples. Mi ting yupela ol man na meri i no gat tingting bilong yupela tru. Yupela i no tingting long kantri bilong yumi. Tru misin na gavman i no soim yumi long rot bilong mani. Dispela dipatmen ol i kolim Didiman em i save tokim yumi long ol rot bilong painim mani. Tasol yumi tasol i no save harim na bihainim.

Yupela yet i no save planim kokonas, kopi, kakau, na arapela samting. Yupela kirap sanap wantaim naip na tamiok, bambai kantri bilong yumi i kirap gut. Mani i stap long graun bilong Niugini. Planti taim yupela save tok misin na gavman i no save soim yumi rot bilong mani. Nogat tru, ol i save soim yumi rot bilong mani. Tasol les, sakim tok, bikhet, nau yupela i no gat mani. Mi sori tru, yupela i mekim olsem na ol waitman i lap long yumi.

Mekim olsem na sampela man i wetim kago tasol na i no gat wok bilong ol. Ating yupela i ting selp gavman i isi. Nogat tru, bambai yumi hatwok tru long takis long selp gavman. Ating bihain bai yumi pait. Plis mi sori yupela ol man na meri mas tingting gut na krai, krai long mani. Misin na Gavman i no ken soim yumi long rot bilong mani. Rot bilong mani yumi yet pasim, na slip wantaim long bet long haus bilong yumi. Sapos yupela i laik krai orait yupela i go long bus na krai.

Olsem yumi laikim mani orait, yumi mas planim kokonas, kakau na kopi. Em tasol liklik wari bilong mi.

Baldasar, Jeme,
Mugil.

NUPELA SINGSING

Dia ol wantok, Hia nau i gat wanpela nupela singsing long Niugini. I gat gutpela nek bilong em. Na sapos yupela laik lainim dispela singsing bai yu raitim pas i kam long Malala Haikul, na mi ken salim singsing wantaim nek long yu.

Singsing i olsem:

Yumi ol brata, yumi ol wanlain,
Yumi ol pipel blong wan kantri.
Yumi ol brata, yumi ol wanlain,
Yumi wan pipel blong Niu Gini.

Larim kros na pait i dai, laik tasol i stap,
Yumi olgeta wok wantaim.

Sotpela Sket

Dia Edita.- Wanpela samting mi lukim long kantri bilong yumi hia i no stret. Em long ol yangpela meri i save putim ol sotpela sket o dres. Ol i save putim ol kain sket i save lusim skru na i go antap klostu long as. Em dispela kain sket i no stret. Ol meri i mas putim dres i mas go daun longpela liklik i go daun klostu long skru.

Dispela kain samting i save bagarapim lo o pasin bilong tumbuna bilong yumi. Yumi no ken bihainim ol waitpela meri, em samting bilong tumbuna bilong ol. Lukim long India Japan na sampela kantri long Afrika. Ol i save putim ol dres bilong ol waitpela meri? Planti taim ol memba bilong Haus Asembli i save toktok long dispela samting. Yupela ol yangpela meri no save harim tok liklik. Yu wanem meri yu belhat long dis-

Yumi no ken pret, God i stap klostu,
Yumi wan pipel long wan haus.
Yumi no ken pret, God i stap klostu,
Yumi wan pipel blong wan Papa.

Bungim tok na wok wantaim, bai yumi kamap strong,
Yumi olgeta sindaun gut.

Yumi ol brata, yumi ol wanlain,
Yumi ol pipel blong wan kantri.
Yumi ol brata, yumi ol wanlain,
Yumi wan pipel blong Niu Gini.

P. Jooren,
Malala Haikul,
Bogia.

Inglis Tasol ?

Dia Edita,

Mi gat wanpela wari. Mi laik save bilong wanem gavman i tambuim yumi long skul long tok ples na Pisin na Motu. Watpo yumi mas lainim tok ples bilong ol waitman pas-taim, na bilong yumi no-gat olgeta? Em i kranki, i no stret. Ating i no gat wanpela waitman i save mekim olsem long kantri bilong em.

Dispela pasin i mekim yumi moa longlong. Bipo i gat planti manmeri i save tumas long rit na rait long tok Pisin na tok Motu. Nau nogat. Ol manki i longlong tru long en.

Long kain pasin olsem yumi no go het; yumi go stan tasol. Olsem wanem ol saveman i no lukim dispela samting? Mi wari long dispela.

Mi Makus Oma (Buka).

pela tok bilong mi, orait yu rait i kam long Edita long Wantok Niuspepa. William Barnabas, Goroka.

Barnes i Lukluk Raun

Taim Minista bilong ol Teritori, Mista Barnes i kam lukluk raun long Papua, em i tok: "Bikpela wari bilong yupela em long painimaut wanem samting bai i gutpela long kantri bilong yupela. Em i samting bilong yupela ol Papua na Niugini stret. Em i no samting bilong gavman bilong Australia".

Em tu i tok se, ol Australia bai i stap long dispela Teritori inap long taim ol i gat

wok bilong helpim yupela.

Em i tok tu olsem, insait long sampela yia, bai Niugini i go het moa tasol Australia bai wok yet long helpim bisnis bilong yupela olsem bipo.

Yupela i no ken tingting planti long kala bilong man o ples bilong em. Yupela i mas wok wantaim na vot long ol man em ol i save mekim gutpela wok na i gat gutpela tingting.

Tenkyu Long Ol Pas

Em hia ol nem bilong sampela arapela manmeri i bin raitim pas i kam. Tasol sori, i no gat inap ples bilong prinim. Mipela i tenkyu long ol.

Cyril Jalowa, Alfred Ararua, E.A. Augustine, John Banji, Thaddeus T. Yaparae, Margaret Pinil, PH. Numbos, Anthony J. Kokotin, Miss. W. Ursula Maya Michael, Paul A. Seral, Paul Manu, Agatha Peng, Joseph Yabagl, Francis Odling, Christopher Mareo, Gabriel Dusaava, Robert A. Jiegla, Mark Gundu, Margaret Fitzgerald, Samuel Ak, Herman K. Malan, Jethro Putina, Henry Iyapo, Gideon Speng, John Kintau, T.Su, William Maragum, Richard Don L. Rally, Eyakae Lopa, Philip Number, Mary M. Maiya, Grikil Benedikt, Dom Koge, More Joseph, Leo Manarip, Joseph Bakuil, Martin Y. Baiwong, Isaac Wambara, Baua Anton Loge, Christine Anji, Philip Niniuru, Francis Muguduo, Barton Magi, Lukas Kroge, Erelei Wape Caspar Angua, Joe Buka, Ber Fabby.

Sori, mipela i no inap putim ol mak bilong standat 6. Ol inap pulapim 15 pes. Planti mak tu i no kamap long han bilong mipela. Sori.

Tammur i Fri

Lida bilong Mataungan Asosiesen, Mista Oscar Tammur, i kam ausait long kalabus pinis. Long mun i go pinis Mista Tammur i bin kalabus, long wanem em i no laik tru long baim takis i go long Gazelle Lokal Gavman Kaunsil long Rabaul.

Wanpela man bilong bikpela taun long Australia ol i kolim Kenbera, i bin salim \$30 i kam bilong baim kot bilong Oscar Tammur.

Man i maus bilong gavman bilong Rabaul i bin tok olsem, nau dispela man bilong Australia i bin salim dispela mani, orait Oscar Tammur i ken pinis long kalabus. Ol i no save long nem bilong dispela man i salim mani long baim kot.

WANTOK BAI KAMAP
NEKS TAIM LONG
6 JANUERI 1971.



SORI, PAPUA

Long dispela taim Dipatmen bilong Nius na Toksave (ol i kolim D.I.E.S.) i tilim nabaut 50,000 pepa i soim ol manmeri ol piksa bilong nupela plak na nem na mak bilong Niugini. O sori...i no Niugini. Ol i tok PAGINI nau. Nem Pagini i olsem: Papua na Nu Gini - yu sodaim tupela hap wantaim.

Tasol, pren, watpo yumi sodaim nating tupela hap nem na yumi no sodaim tupela kantri bilong yumi?

Long wik i go pinis Mista Barnes i bin raun nabaut long Papua. Bilong wanem? Em i laik putim yau na harim gut toktok bilong ol Papua. Ol i laik stap wantaim Australia o wantaim Nu Gini? Na wanpela samting moa: ol i bin painim Kopa tru long Papua o nogat?

Ol Papua i tingting planti, ol i no save bai ol i mas mekim wanem samting. Sampela ol Papua ol i ting ol i bilong Australia pinis. Tru a? Sapos em i tru, bilong wanem ol i no ken go insait nating long Australia olsem ol Australia yet? Ol i mas holim pas pastaim. I olsem: ol i no Australia tru. Ating ol i no save Australia i gat wanpela lo: ol waitskin tasol i ken Australia tru. Orait, ol 600,000 Papua i ting wanem, bai Australia i senisim dispela lo? Sapos nogat, bai ol Papua i olsem hapkas samting bilong Australia.

Nau yu kirap tok: mobeta Papua i insait wantaim Nu Gini. Tasol planti Papua i no laik. Planti i mangalim Nu Gini, i no laik bai ol Nu Gini i bosim ol. Na ol Nu Gini tu i no laik. Planti ol Nu Gini i tok: Papua i no inap winim mani. Nu Gini i gat kopra na kopa na kakau na gol na diwai. Papua i gat liklik hap gumi tasol.

Mista Barnes i laik helpim Papua i ken kam insait wantaim Nu Gini olsem na em i go lukim ol man i wok kopa long ol maunten bilong Westen Distrik. Sapos ol i painim planti kopa, orait, bai bel bilong ol Nu Gini tu i stret. Ol i lukim Papua tu inap winim mani, na ol i orait tupela wantaim i kamap wanpela kantri tasol.

Tarangu - ol Papua i bel hevi tru. Ol i wet i stap. Bai Australia i tok wanem? Nu Gini bai i tok wanem?

Nu Gini i kros bikos Bougainville i bin painim planti mani pinis long kopa na nau i givim baksait long Nu Gini. Tasol nau Nu Gini yet i go mekim wankain: bikos Papua i no gat mani, em i givim baksait long Papua.

Olsem nau mi kam bek long namba wan tingting bilong mi.....bipo yumi orait long wanpela nem na wanpela plak na wanpela mak, yumi mas orait long WANPELA KANTRI. Sapos nogat, yumi longlong. Yumi olsem man i putim nem long pikinini na pikinini i no kamap yet..... Em tasol.

Stori Bilong Tumbuna

Wanpela de long taim bilong bikpela san, olgeta manmeri pikinini bilong ples, ol i kisim planti samting bilong ol na i go long bus. Sampe-la i karim kaikai. Sampe-la i karim paia, sampela akis na arapela arapela samting bilong mekim wok long bus.

Ol i wokabout i go kamap long wanpela bikpela ston i gat hul long em i olsem haus. Ol i tingting long dispela hul i gutpela ples bilong ol man i ken i stap long en. Olsem ol i lusim ol kago long as bilong wanpela diwai i stap klostu long dispela hul ston. Na ol i makim tupela pikinini, wanpela man na wanpela liklik meri, bilong lukautim ol dispela kago. Ol arapela i go long bus, sampela bilong sutim abus, arapela bilong painim rop samting.

Tupela i wet i stap na i go longpela taim. Tupela i lukim wanpela

liklik man i bihainim wara i kam. Em i karim banara na pes bilong em i narakain. Tupela i lukim na i pret. Dispela liklik man i kamap klostu long ston. Em i no mekim wanpela wok. Nogat. Em i toktok tasol i spik: "Pasim". Na wanpela bikpela ston i pasim ai bilong dispela hul.

Bihain liklik em i tokgen i spik: "Op". Nau dispela dua bilong ston i op. Tupela pikinini i kam ausait gen. Ol i no kam kwiktam. Tupela i pret yet. Nau ol i no lukim gen dispela liklik man.

Taim ol bikpela manmeri i kam bek long ston, tupela i autim ol dispela samting long ol. Tasol ol i no bihainim tok bilong tupela. Na long nait ol i nait ol i go slip long insait long dispela hul bilong ston. Tupela liklik pikinini tasol i

pret tumas na tupela i stap ausait.

Long biknait tupela i harim liklik nois na lukim dispela man i kam gen. Em i go klostu long ston na i tok i spik: "Pasim". Olsem na dua i pasim kwiktam na dispela man i go pinis.

Tupela pikinini i go singautim planti manmeri i kam. Tasol ol i no inap rausim dispela dua ston. Ol i ken harim nek bilong ol manmeri i stap insait. Ol man bilong insait ol i tok long wanpela man i dai pinis. I go i go olsem long planti de. Bihain wanpela de ol i kamap long ston na ol i no harim singaut bilong wanpela man. Ol i lusim hul long nait na i go bek long ples. Moningtaim ol i kamap gen na lukim dua i op. Insait long hul planti bun, em tasol i stap.

Dispela stori bilong bipo yet, taim ol waitman i no i kam long Nu Gini yet. Taim bilong ol tum-

Moa Mani Long Didiman

Mista Paulias Matane, hetman bilong Dipatmen bilong ol Bisnis, i lusim Port Moresby i flai long ol Filipin Ailan bilong lukim wok bilong wanpela konprens bilong ol bisnis didiman.

Long dispela konprens ol deliget bilong 18 kantri bilong Asia bai i toktok long pasin bilong painim mani bilong ol wok didiman. Konprens bai i go inap 10-pela de.

Mista Matane bai i go lukluk raun long ples Hong Kong bilong painim nupela tingting na aidia bilong helpim wok bisnis long Niugini.

buna bilong ol tumbuna bilong mipela.

Timoti Wangdui, GOROKA.




NAMBA WAN STUA LONG PAPUA NA NEW GUINEA BILONG BA I M GUTPELA KAIKAI NA OLGETA KAIN SAMTING. TAIM YU LAIK GO LONG STUA...YU GO LONG STUA BILONG CARPENTERS

PORT MORESBY MADANG RABAU LAE


POP POL LONG AUSTRALIA




Pop Pol i lusim balus i kam long Australia namba wan taim.



Planti manmeri moa i bungim Pop Pol



Asbisop Copas bilong Port Moresby i sanap toktok wantaim Pop.



Ol Pater, Brudee, Sister insait long haus lotu bilong bisop bilong Sidni.



Pop Pol long ples balus bilong Sidni.



Pop Pol wantaim Bisop Rowell bilong Aitape.

PLANTI MOA BUNGIM POP LONG SIDNI

(Ol dispela stori i kam long edita i go lukim Pop.
T.A.A. i baim rot bilong em.)

Pop Pol Namba 6, hetman bilong 600,000,000 katolik i kam i stap 4-pela de long Australia. Em i namba wan taim long stori bilong graun wanpela pop i lukim Australia.

Ol 18 bisop katolik bilong Niugini na Solomon Ailan i insait wantaim ol bishop bilong Ni Silan na Australia na ol arapela ailan taim ol i kibung wantaim pop.

Planti lida na hetman bilong ol arapela sios Kristen i bungim Pop Pol na i toktok na prea wantaim em.

Balus i bringim Pop Pol i kam long Sidni long Mande apinun, 30 Novemba. Taim lek bilong em i krungutim graun bilong Australia namba wan taim, wanpela bikpela win i kirap rausim liklik hat bilong em na tromoi klos bilong em i go nabaut. Planti tausen manmeri i sanap paitim han na amamas taim ol i lukim em.

Lusim ples balus pinis, Pop wantaim ol hetman bilong Australia i ran i go long haus kibung bilong Sidni. Sampela man i wet long arere bilong rot inap 8-pela aua bilong lukim Pop. Long haus kibung arapela 5,000 i wetim em. Taim Pop Pol i sanap toktok, ol belo bilong bikpela haus lotu bilong ol Anglikan i singaut bilong onaim em.

Long apinun tru Pop i mekim wanpela Misa wantaim 4,000 Bruder na Pa-

ter na Sister insait long haus lotu bilong bisop bilong Sidni.

Long Tunde, 1 Desemba, Pop i kibung wantaim ol bisop bilong Australia, Nu Silan, Niugini na ol arapela ailan. Em i skulim ol long bihainim tru tok bilong Jisas Kraus na wok wantaim ol arapela Kristen bambai wanpela de olgeta i wanbel na wanlain tasol.

Long apinun gen Pop i mekim bikpela Misa moa long wanpela bikpela ples resis ol i kolim Randwik. Inap 250,000 manmeri i kam lukim. Hia kain kain pipel i kamap long 39 kantri na i stap nau long Australia i kam presen long Pop. Wanpela man bilong Niugini i givim wanpela pes tambaran long em.

Long stori bilong Australia i no gat wanpela lotu inap long dispela. Na planti tausen manmeri tu ol i lukim long wanpela narakain redio i gat bokis piksa long en, em ol i kolim televisen.

Bisop Arkfeld bilong Wewak, olsem presiden bilong ol bisop bilong Niugini, i sambai wantaim Pop olsem pesman bilong kantri bilong yumi.

Long Trinde Pop i ran long pinas i go long hapsait bilong basis bilong Sidni. Em i go lukim haus sik bilong ol pikinini. Bihain em i kam bek na i mekim wanpela Misa gen long ples resis na i gat 150,000 skulboi na skulmeri i kam long olgeta hap bilong Aus-

tralia bilong lukim em.

Long apinun Pop Pol wantaim ol hetman bilong 11-pela arapela lain Kristen i mekim wanpela lotu long haus kibung bilong Sidni. Em i toktok na prea wantaim ol Anglikan, ol Metodis, na arapela Talatala, wantaim Salvesen Ami na ol Grik.

Fonde, 3 Desemba, em i de Pop i givim olgeta long Niugini. Em i blesim namba wan bisop katolik bilong Niugini, em Pater Louis Vangeke, M.S.C., bilong hap bilong Bereina. Ol misinari na pren bilong ol misin inap 5,000 i bung. Sampela Niuginian Bruder na Sister na seminarian bilong Bomana wantaim 25 skulboi bilong Port Moresby Tisa Koles tu i stap.

Misa i pinis, nupela Bisop Vangeke i go wantaim Asbisop Copas bilong Port Moresby na Bisop Klein bilong Yule Ailan. Tripela i wokebaut wantaim i lusim lotu na 5,000 manmeri i paitim han i amamas.

Bihain long dispela Misa, Pop Pol i kalap long balus na i gutbai long 7,000 manmeri i kam lukim em. Em i flai i go long biktaun bilong Indonesia, Jakarta. Bihain em i go long lukim Hong Kong, na ailan. Selon. Em i flai 13,000 mail bilong kam bek long ples bilong em Rom.

Dispela stori wantaim ol piksa i kam long edita Mista Ray Goodey. TAA i baim rot bilong em.



Namel long piksa yumi sanap lukim em. Pop i

MI MAN TAMBARAN BILONG GOD

Bisop Louis Vangeke, nupela Niuginian bisop bilong Port Moresby, i kisim namba bilong em pinis long han bilong Pop Pol long bikpela haus lotu bilong Sidni.

Samting olsem 5,000 ol pren bilong ol misin i lukim olsem wanem Pop i putim Baibel antap long het bilong nupela bisop, welim het bilong em na putim ring long pinga, na givim hat na stik bilong bisop long em. Tupela samting hia i mak bilong man i olsem wasman bilong sipsip.


Asbisop Copas bilong Port Moresby na Bisop Klein bilong Yule Ailan i helpim Pop Pol long lotu. Na tupela Anglikan, Asbisop Strong na Bisop Ambo, tu i stap. Kiap bilong Sentral Distrik, Mista Brown wantaim Misis Brown, tupela i kam wantaim sampela wanblut na wanlain bilong nupela bisop. Tupela Pater bilong Yule Ailan i sambai long nupela bisop olsem helpiman bilong em. Em Pater Julian Efi na Pater Laurens Isi.

Papa bilong Bisop Vangeke i tambaranman bilong bipo. Olsem bisop yet i save tok pilai na kolim em yet Tambaranman bilong God.

Pop Pol i amamas tru long blesim na makim nupela bisop bilong Niugini stret. Em i givim kis long em na i askim em long lukautim gut olgeta katolik long hap bilong em olsem gutpela wasman bilong ol sipsip.




Bisop Vangeke i blesim ol arapela bisop bilong Saut Pasifik ol i sindaun i stap klostu long alta.



Asbisop Copas, Bisop Vangeke, Pop Pol, bosman bilong lotu, Bisop Klein na tupela Pater bilong Yule Ailan i sanap long alta long taim bilong Misa.



Bisop Vangeke i go daun na i blesim brata bilong em.



Insait long kibung long ol bisop, ol hetman hia. Kirap long lephan i go long raithan, bai yu lukim: Bisop Arkfeld (Niugini), Asbisop Pierce (Fiji), Kardinal McKeffrey (Nu Silan), Pater Macchi (kuskus bilong Pop), Pop Pol, Kardinal Gilroy (Australia).



Ol hetman bilong 11-pela lain Kristen i bung wantaim Pop Pol na ol i lotu na prea wantaim.



Insait long bikpela haus lotu bilong bisop bilong Sidni ol misinari na pren bilong misin i bung long lukim Pop i givim namba na strong long Bisop Vangeke.



Ol bikpela man bilong gavman na sios i gutbai long Pop Pol long pleś balus bilong Sidni.



Luk i man bilong raitim dispela stori. Em i bin i stap long sip wantaim Pol. Em tu i kamap gut long sua, na em i stori olsem, "Ol man bilong dispela ples i mekim gutpela pasin tumas long mipela. Ol i wokim paia na ol i bringim mipela olgeta i go long en. Long wanem ren i kam daun nau na ples i kol."

Yu baim dispela buk long :

WEWAK CHRISTIAN BOOKSHOP

P.O. BOX 169

WEWAK


(Klostu long Wewak maket.)

Pol i bungim wampela mekpas stik na i putim long paia. Na wampela snek i pilim hat na i kam ausait na pasim tit long han bilong Pol na i hangamap i stap.

Dispela stori i go moa.....
Sapos yu laik ritim, yu go baim buk ol i kolim APOSEL POL.

- i gat 56 pes long en
- i gat planti piksa
- i gat planti stori
- i kostim 35¢ tasol

(Also available in English.)



I NO GAT MAN I WINIM RE-SIS DISPELA TAIM. MANI I WET I STAP YET.....

Wampela toktok olgeta ol i raitim kranki. Ol i putim "lapun" olsem tok-bek bilong "lap long". Nogat; toktok em i lapim.

Em hia wampela tok moa: I no olgeta man i bekim stret i winim mani. Mipela i bungim olgeta pas inap long de niuspepa i makim. Long dispela de wampela manki i kisim wampela wampela pas long laik bilong em na opim. Namba wan pas i stret, em i win. Olsem tasol ol man i stap longwe inap long win, na i no ol man i stap klostu tasol.

Olgeta tok
i stap long dispela niuspepa
ol i bin paitim pastaim
long wampela masin bilong rait,
nem bilong em . . .

Olympia

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 557

RABAUL
P.O. Box 222.

MT HAGEN
P.O. Box 237.

WEWAK
P.O. Box 178.

KIETA
P.O. Box 72.

Church Administration Business

All institutions have printing needs
which are most efficiently met by



KRISTEN PRES

Box 676, Madang

Printing Service

Our specialties: Pamphlets, programmes,
dockets, books with hard and soft cover

Mail Orders Welcome
Ask for quotations and samples

OLGETA KAIN KAIN **SEL**

BILONG SIP, TRAK, PLANTESIN
O HAUS I GO ANTAP LONG HAP KA

MIPELA SAVE WOKIM GUT

Mipela save wokim gut sel long olgeta kain kain laplap. Ol i nambawan kain laplap bilong sanap strong long san i hat na bikpela ren long dispela kantri hia. Laplap hia ol i kolim katen, o kanis, o nailon. Sapos yu laik askim sel i kostim hamas, yu mas raitim pas i kam long mipela stret na toksave long wanem kain sel yu laik, na bikpela bilong em. Na mipela bekim pas i kam bek stret long yu. Ating ol kepten bilong ol smolpela sip i save pinis long mipela. Faktori bilong mipela i save tumas long wokim planti sel moa bilong ol. Yu rait long mipela pastaim!

* MI KEN SALIM I GO INSAIT LONG 24 AUA
* SALIM I GO LONG OLGETA HAP PLES

CANVAS & CORDAGE PTY. LTD.

AH CHEE AV., RABAU.

P.O. BOX 476

PHONE 2008.

Ol Bosman Kibung

Taim ol man i toktok planti long ol wokman, ol bosman tu i bin kibung. Long Port Moresby 28 pesman bilong asosiesen bilong ol bosman long Australia i sindaun kibung wantaim. Na namba wan gavman Mista Johnson i bin autim sampela tingting bilong em long ol. Em i tok:

Inap nau klostu olgeta bosman long Niugini i waitman tasol. Gavman i laik kamapim wanpela bikpela beng bilong helpim ol Niuginian yet i ken kirapim bisnis bilong ol yet na bosim.

Mista Johnson i tok moa, sapos ol bosman i laik kirapim wanpela nu-

pela kampani long Niugini, ol i mas ting long dispela ol samting:

- 1.) Gavman i mas orait long dispela kampani.
- 2.) Kampani i mas wok wantaim ol samting i stap pinis long Niugini, olsem kopra, kopi, kakao, diwai.
- 3.) Kampani i mas larir ol Niuginian i baim wanpela nap bilong kampani bai ol tu i ken stap papa bilong kampani.
- 4.) Ol i mas givim trening long ol Niuginian kwiktaim tumas bai ol yet inap ranim kampani.
- 5.) Kampani i mas putir mani em i winim pinis bai i go bek long helpir Niugini.

MALARIA i STRONG

Medikol Ofisa bilong ol ailan bilong Niugini, em Dokta Himson Mulas, i bin tok sik malaria i kamap i go bikpela moa long Gazelle Peninsula.

Dispela i kamap long wanem ol pipel i no larim ol lain bilong malaria i pamim marasin long haus bilong ol.

Em i wari tru long wanem planti pipel moa i go long haus sik wantaim sik malaria. Bipol ol man i no save go olsem.

Long Oktoba long dispela yia, 58 pipel i bin kisim sik na i go long haus sik bilong Nonga Base. Long yia i go pinis, 14-pela pipel tasol i kisim dispela sik long mun Oktoba.

Insait long hap bilong Wide Bay, we ol lain bilong pamim marasin i pinis wok, i gat 329 haus i bin lok pinis. Ol papa bilong ol dispela haus i no larim ol lain bilong malaria i pamim marasin long ol dispela haus.

Long ples sapos ol i pamim planti haus, tasol wan wan nogat, em i rong. Bai ol natnat meri i sindaun long dispela wanpela wanpela haus na i bringim malaria long olgeta arapela haus tu.

Olsem rong bilong wan man i ken bagarapi ples olgeta.

Long hap bilong Aitap long Wes Sepik Distriktu ol man i stapim ol long pamim haus. Olsem na sik malaria i kamap bikpela moa long dispela hap tu.

Yumi Kisim Mani We


Man i lukautim Dvelopmen Beng insait long Papua na Niu Gini, Mista K. Crellin, i tok olsem: Wok bilong lukautim ol kau i ran gut tru long hap bilong Sepik na dispela wok bai mekim go het bilong Teritori.

Em i bin tok ol man bilong bosim beng i go lukluk raun long hap bilong Is Sepik bilong skulim ol lokal pipel long pasin bilong kisim dinau mani long kirapim bisnis bulmakau.

Mista K. Crellin i tok Dvelopmen Beng i laik givim mani long olgeta man i bin kirapim wanpela gutpela bisnis.

Taim Dvelopmen Beng i sande long wanpela man em i makim taim bilong bekim bek mani.

Hepi Krismas



Hepi Krismas ol brata. isas i kam pinis long raun. Gutnius bilong isas i kam long yumi lgeta man. God i soim umi, em i laikim yumi umas. Olsem em i salim ikinini bilong em, em i am stap wantaim yumi. Ol wasman bilong sipip ol i harim tok: pe-an i kamap. Ol i go lukutim em, ol i painim em, l i adorim em. Ol ensel singautim ol wasman ilong ol sipsip, ol i as kam lukim Jisas. Biong wanem? Ol wasman ilong sipsip i laikim atpela pasin. God i no akluk long namba bilong an, em i no lukluk long ilas na save bilong an. God i lukluk long ing na laik bilong man. ing na laik i gutpela, od i singautim man.

Yes, ol brata, God i ingautim yumi tu. Disela tok bilong ensel i amap long yumi tu. Yumi as hepi, na yumi mas givim ona long God Papa, a yumi mas laikim gutpela pasin. Na long disela taim bilong Krismas umi tingting gut tru long dispela skul ol ensel i givim long yumi ol

man: "long graun gutpela taim long ol man i laikim gutpela pasin".

Yumi stap long nupela taim. Olpela taim i pinis nau. Taim bilong pait, kros, taim bilong helpim ol wantok tasol, taim bilong mekim gut long ol famili bilong yumi tasol i pinis. Yumi olgeta i brata. Yumi olgeta i gat wanpela Papa, God Papa. Yumi olgeta i wan famili, wan pipel.

Bel bilong yumi i mas hepi long God, em i singautim yumi long lait bilong em. Yumi wokabaut olsem pikinini bilong lait. Bikos man i wokabaut long lait na long ples klia, em i no save mekim pasin nogut. Man i wokabaut long nait na long ples hait, em i save mekim planti pasin nogut. Yumi Kristen yumi olgeta man bilong lait. Yumi mas soim lait bilong Jisas long ol brata bilong yumi. Pasin bilong yumi i mas stap olsem lait na soim gut rot long ol man, bai lait bilong Krismas i ken laitim gut rot bilong ol na kantri bilong yumi hia long Niugini i ken go het.

I gat 94 memba bilong Haus av Asembli; ol 64 i Niuginian.

KLASIFAIT

PABLIK NOTIS

WINIM HANWAS. Ritim 1 Korin sapta 15 na raitim stori inap long 500 wot (words) long "kirap bek". Stori i mas kamap bipo long 30 Novemba 1971. Adres: Booklet Box 1096, Boroko.

Wantok Publications, P.O. Box 298, Wewak, i wokim, na Wirui Pres long Wewak i prinim.

Planti pipol oli askim

Tutt Bryant emi gat wonem samting long stoa bilong ol.

Emi gat planti kain masin nau sperpat long en tu. Nau hia yu lukim sampela mipela igat long stoa long mipela. Sapas yu laikim arapela samting bai yu askim long stoa long mipela long wonem TUTT BRYANT igat planti samting long ol masin, moto nau arapela samting. Em hia mi kalim sampela tasol mipela.

ALLIS CHALMERS <i>(earth moving equipment)</i>	LIGHTBURN <i>(cement mixers)</i>
APAC <i>(lift gear)</i>	LINCOLN WELDERS
AVIS RENT-A-CAR	KAWASAKI OUTBOARDS
BEDFORD <i>(trucks)</i>	KITTEN <i>(automotive products)</i>
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DAHATSU	MONROE-WYLLIE AUTOPARTS
DUFFIELD HOSES	ONAN <i>(engines and generator sets)</i>
EQUIPMENT INVESTMENTS <i>(hire purchasing and leasing facilities)</i>	PACIFIC-ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. <i>(automotive products)</i>
GENERAL MOTORS HOLDEN	PERKINS DIESEL
GENERAL MOTORS <i>(diesel)</i>	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD <i>(Agricultural)</i>	SUZUKI MOTOR CYCLES
I.S.S. <i>(safety equipment)</i>	VOLVO-PENTA <i>(marine engines)</i>
	YANMAR DIESEL
	YOKOHAMA TYRES



Tutt Bryant Pacific Limited

BRANCHES: PORT MORESBY, LAE, GOROKA, MADANG, RABAUL, KIETA
AGENTS: MT. HAGEN, WEWAK, HONIARA (BRITISH SOLOMONS)
WRITE: P.O. BOX 326, PORT MORESBY, T.P.N.G.



Overseas rates on application.

Sapos mipela i salim i kam long balus:

7 pela taim i kostim	\$1.00
14 pela taim i kostim	\$2.00
21 pela taim i kostim	\$3.00
28 pela taim i kostim	\$4.00

Wantok Publications Inc.,
P.O. Box 298, Wewak

ADVERTISING RATES

Casual \$2.00 per single column inch.	
3 insertions over 12 months	\$1.85
6 insertions over 12 months	\$1.70
12 insertions over 12 months	\$1.55
24 insertions over 12 months	\$1.40

Classified Advertising: 65 cents first 2 lines; 30 cents each additional line.

Published 1st and 3rd Wednesday of the month.

Nupela Tisa

I gat 623 tisa i kamap long ol dispela koles:


Port Moresby: 156
Goroka: 130
Holy Trinity (Hagen): 92
St. Benedict's (Wewak): 42
Balob (Lae): 96
Vunakanau/Kabaleo (Rabaul): 107

I gat 33 kain kain misin long Niugini.

Yumi gat tupela yau na wanpela maus.

Olsem yumi mas harim planti samting.

Tasol yumi no mas teli-mautim planti samting.





WIL BALUS BILONG

ANSETT

YU LAIK FLAI LONG WANEM HAP
ANSETT I HEPI LONG KARIM YU I GO

Ansett I Gat Olkain Balus
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

ANSETT AIRLINES OF PAPUA NEW GUINEA
in conjunction with Ansett Airlines of Australia.